

Le setur dla sanité y di doturs de basa é ales strëntes. Crüzi él por ci che reverda le dagní.

📅 18/03/2026 md/jf

La mancianza de doturs de basa tl Südtirol y nia ma tla provinzia de Balsan pësa sön la sanité. Tla provinzia de Balsan mancel dōtaorela 80 doturs de basa y cina al ann 2028 peiorëia la situaziun por düc i doturs de basa che jará en ponsiun.

I numeri

L'ordin di doturs y la fondaziun GIMBE reporta che ti ultims cin'agn é i doturs aumentá dl 2,4 porcënt, mo la situaziun reala é chëra che n dotur de basa á passa 1.500 paiënc. Tl Südtirol é dōtaorela atifs 310 doturs de basa y 26 provisors.

A livel talian á n dotur de basa n valur mesan de 1.383 paziënc, demanco co tl Südtirol, olache vigni dotur á söporjō chi 1.525 paziënc. Na situaziun da peso él ma tla Lombardia y tl Venet. Le livel otimal foss la zifra iüsta chëra de 1.200 paziënc por vigni dotur de familia.

Tl Trentin mancel dōtaorela 53 doturs de basa y la zifra mesana por vigni dotur é de 1.380 paziënc a ce.

Ala situaziun atuala s'injuntel le pëis di doturs che jará en ponsiun. Anter le 2028 él preodü che almanco 76 doturs jará en ponsiun o lasciará sö le sorvisc. Y oramai ne reverda la mancianza de doturs nia ma plü les valades o localités nia zentrales, mo ince les cités dla provinzia.

L'assistënza é assicurada dij Messner

Fá diventé la profesciun plü atrativa, dij i portausc dla categoria, mo la burocrazia y i la tecnologia fej a na manira che le laur vëgn ciamó plü compliché.

L'assessur competënt Hubert Messner arata che les usc é ma teoriches y che al é arcordanzes a livel nazional por smendrí la zifra de paziënc por vinge dotur. Surapró á Messner assicuré che vigni zitadin á so dotur de basa y che al vëgn garantí

l'assistènza.

Al vëgn danterater porté dant la proposta de fá diventé la scora de formaziun di doturs de medejina generala na spezialité, dan da fá diventé plü saurí l'azes ales inciaries.

Tag mancianza de doturs Venet Lombardia

Südtirol Balsan Hubert Messner